

ვანის მუნიციპალიტეტის საკრებულოს იურიდიულ,
სამანდატო, საპროცედურო საკითხთა და ეთიკის კომისიის სხდომის

ოქმი N9

ქ.ვანი, თავისუფლების ქ. N65

14 ივნისი 2021 წელი
14: 00 საათი

სხდომას ესწრებოდნენ კომისიის წევრები: გელა ჩიკვაძე, გიორგი ივანიაძე, შალვა ლორთქიფანიძე, ოლეგი მიქელთაძე, თამარ შენგელია, გელა ვარდოსანიძე.

საპატიო მიზეზის გამო სხდომა არ ესწრებოდა: რამაზ არველაძე, ვარლამ გიორგაძე, რამაზ არველაძე, კობა ტოხვაძე.

სხდომაზე დამსწრე კომისიის წევრთა ხელმოწერების სია თან ერთვის.

/დანართი N1/

კომისიის სხდომის თავმჯდომარე - გელა ჩიკვაძე (კომისიის თავმჯდომარე)
კომისიის სხდომის მდივანი - საკრებულოს აპარატის იურიდიულ და საორგანიზაციო განყოფილების უფროსი სპეციალისტი საოქმო წარმოების საკითხებში - **ლუბა კიკაბიძე**

დღის წესრიგი

1.ვანის მუნიციპალიტეტის ტერიტორიაზე აკუსტიკური ხმაურის დასაშვები ნორმების გადამეტებასთან და ღამის საათებში პიროტექნიკური ნაკეთობების გამოყენებასთან დაკავშირებულ ადმინისტრაციულ სამართალდარღვევებზე რეაგირების წესის დამტკიცების შესახებ.

მომხს: ტარიელ ძაგნიძე

2.,,ადგილობრივი თვითმართველობისა და სამოქალაქო საზოგადოების ერთობლივი სამოქმედო გეგმის ვანის მუნიციპალიტეტში საჯარო მმართველობის რეფორმის სამოქმედო გეგმის განხორციელების ხელშეწყობისათვის ელექტრონული სერვისების განვითარების მიმართულებით (2020 წლის ივნისი - 2021 წლის სექტემბერი) დამტკიცების შესახებ“ ვანის მუნიციპალიტეტის საკრებულოს 2020 წლის 9 სექტემბრის N27 23 განკარგულებაში ცვლილებების შეტანის შესახებ;

მომხს: გიორგი ივანიაძე

გადაწყვიტეს: დღის წესრიგი მიღებულ იქნა წარმოდგენილი სახით.

მოისმინეს :

დღის წესრიგით წარმოდგენილ პირველ საკითხთან დაკავშირებით (მომხსენებლის საპატიო მიზეზის არ ყოფნის გამო) გელა კაშიამ კომისიის წევრებს გააცნო ვანის მუნიციპალიტეტის

ტერიტორიაზე აკუსტიკური ხმაურის დასაშვები ნორმების გადამეტებასთან და ღამის საათებში პიროტექნიკური ნაკეთობების გამოყენებასთან დაკავშირებულ ადმინისტრაციულ სამართალდარღვევებზე რეაგირების წესის დამტკიცების შესახებ.

მომხსენებელმა განმარტა, რომ ადმინისტრაციულ სამართალდარღვევათა კოდექსის 77¹-77² მუხლები ითვალისწინებს ადმინისტრაციუ პასუხისმგებობას დღისა და ღამის საათებში აკუსტიკური ხმაურის დასაშვები ნორმების გადამეტებაზე, ასევე ღამის საათებში პიროტექნიკური ნაკეთობის გამოყენებაზე.

2018 წლის 1 ივლისამდე ზემოაღნიშნულ შემთხვევებზე რეაგირებას ახდენდა და შესაბამის ადმინისტრაციული სამართალდარღვევის ოქმის შედგენა ევალეზობდა შსს ორგანოებს ხოლო 2018 წლის 1 ივლისიდან მუნიციპალიტეტის ორგანოებზეა და შესაბამისად ადმ სამართალდარღვევათა კოდექსის გარდამავალი დებულებები კერძოდ 313 მუხლის 17 ნაწილი ითვალისწინებს ვალდებულებას მუნიციპალიტეტის ორგანოებმა განსაზღვრონ შესაბამისი აღმასრულებელი ორგანო, რომელიც შეადგენს სამართალდარღვევის ოქმს.

ჩვენს მიერ ზემოაღნიშნულ საკითხთან დაკავშირებით წარმოდგენილია დადგენილების პროექტი, რომლითაც მტკიცდება ვანის მუნიციპალიტეტის ტერიტორიაზე აკუსტიკური ხმაურის დასაშვები ნორმების გადამეტებასთან და ღამის საათებში პიროტექნიკური ნაკეთობების გამოყენებასთან დაკავშირებული ადმინისტრაციულ სამართალდარღვევებზე ოქმის შემდგენი და მარეგულირებელი ორგანო არის მერიის სტრუქტურული ერთეული - ზედამხედველობის სამსახურის კომისიის თავმჯდომარემ კომისიის წევრებს მიმართა, წარმოდგენილი საკითხის მიმართ ხომ არ გაქვთ შეკითხვა ან შენიშვნა, კომისიის წევრებს მოსაზრებები არ დაუფიქსირებიათ.

კომისიის თავმჯდომარემ საკითხი დააყენა კენჭიყრაზე.

მომხრე - 6

წინააღმდეგი - არცერთი

გადაწყვიტეს: წარმოდგენილი საკითხი მზად არის გავიდეს ბიუროსა და საკრებულოს სხდომაზე.

მოისმინეს :

დღის წესრიგით წარმოდგენილ მეორე საკითხთან დაკავშირებით მომხსენებელმა გიორგი ივანიაძემ კომისიის წევრებს გააცნო „ადგილობრივი თვითმართველობისა და სამოქალაქო საზოგადოების ერთობლივი სამოქმედო გეგმის ვანის მუნიციპალიტეტში საჯარო მმართველობის რეფორმის სამოქმედო გეგმის განხორციელების ხელშეწყობისათვის ელექტრონული სერვისების განვითარების მიმართულებით (2020 წლის ივნისი - 2021 წლის სექტემბერი) დამტკიცების შესახებ“ ვანის მუნიციპალიტეტის საკრებულოს 2020 წლის 9 სექტემბრის N27 23 განკარგულებაში ცვლილებების შეტანის შესახებ;

მომხსენებელმა განმარტა, რომ განკარგულებაში შევიდა ცვლილება: კერძოდ, მუნიციპალიტეტის ვებ გვერდს დაემატა მუნიციპალიტეტის ადმინისტრაციულ ერთეულებში მერის წარმომადგენლებისათვის და მათი თანამშრომლებისათვის ვორქშოპების ჩატარება, სარეკლამო ბანერებისა და ბროშურების მომზადება-დაბეჭვდა- გავრცელება. ასევე სამოქალაქო ბიუჯეტირების პროცესის დანერგვა.

კომისიის თავმჯდომარემ კომისიის წევრებს მიმართა, წარმოდგენილი საკითხის მიმართ ხომ არ გაქვთ შეკითხვა ან შენიშვნა, კომისიის წევრებს მოსაზრებები არ დაუფიქსირებიათ.

კომისიის თავმჯდომარემ საკითხი დააყენა კენჭიყრაზე.

მომხრე - 6

წინააღმდეგი - არცერთი

გადაწყვიტეს: წარმოდგენილი საკითხი მზად არის გავიდეს ბიუროსა და საკრებულოს სხდომაზე.

დღის წესრიგით გათვალისწინებული საკითხის ამოწურვის შემდეგ სხდომის თავმჯდომარემ სხდომა დახურულად გამოაცხადა.

გელა ჩიკვაძე

საკრებულოს იურიდიულ, სამანდატო,
საპროცედურო საკითხთა და ეთიკის
კომისიის სხდომის თავმჯდომარე